



Anawahurumia Wote

Roho ya Bwana MUNGU i juu yangu; kwa sababu Bwana amenitia mafuta R... wapewe taji ya maua badala ya majivu, mafuta ya furaha badala ya maombolezo, vazi la sifa badala ya roho nzito; wapate kuitwa miti ya haki, iliyopandwa na Bwana, ili atukuzwe.—Isaya 61:1-3).

Yesu alikuwa mfuatilia makini, akigundua mambo mengi ambayo wengine waliyapita. Daima alikuwa msaada, daima alikuwa tayari kusema maneno ya matumaini na huruma kwa waliovunjika moyo na wenye majonzi. Aliruhusu umati umsogelee, na wala hakulalama, japokuwa wakati mwingine alikaribia kuondoka. Alipokutana na mazishi, hakupita bila kujali. Huzuni ilijaa usoni Mwake alipomwangualia aliyekufa, na kulia pamoja na walio-omboleza.

Wakati watoto walipokusanya maua ya mwituni yanayokua kwa wingi karibu yao, na kukusanyika ili kumpatia sadaka zao ndogo, aliwapokea kwa furaha, kwa tabasamu, na kuonesha furaha Yake kwa kuona aina nyingi sana za maua.

Watoto hawa walikuwa urithi Wake. Alijua kuwa alikuja ili kuwalipia fidia kuwakomboa kutoka kwa adui kwa kufa katika msalaba wa Kalvari. Aliwaambia maneno ambayo waliyabeba daima mioyoni mwao. Walifurahia kufikiri kwamba Alipokea zawadi zao na kungea nao kwa upendo.

Yesu aliwaangalia watoto walipokuwa wakicheza, na mara nyingi alionesha kufurahia walipopata ushindi wao mwema juu ya jambo ambalo walidhamiria kulitenda. Aliwaambia watoto nyimbo kwa maneno matamu na ya Baraka. Walijua kuwa alikuwa anawapenda. Kamwe hakuwachukia. Alishiriki nao furaha na huzuni ya kitoto. Mara nyingi alikusanya maua, na baada ya kuonesha uzuri wake kwa watoto, aliwaachia hayo kama zawadi. Alikuwa ameyaumba maua, na alifurahia kuonesha jinsi yalivyo mazuri.

Imewahi kusemwa kuwa Yesu kamwe hakutabasamu. Hili sio kweli. Mtoto katika uaminifu na usafi Wake alimfanya Yesu kuimba wimbo wa furaha midomoni Mwake.

Kwa wale waliomfuata, Alifafanua Neno la Mungu kwa uwazi kiasi kwamba walifurahia kuwapo katika kuwepo Kwake. Aliongoza akili zao kutoka kwenye mambo madogo ya duniani hata kwenye kanuni takatifu za ukweli na za haki. Aliwaandaa kuelewa kile kinachoeleweka katika ubadilishwaji wa tabia kufanana kama ya Kristo. Maneno Yake yaliamsha imani. Alichukua fikra za wasikilizaji Wake kutoka ulimwenguni humu, na mahangaiko yake mengi, hata katika ulimwengu bora wa juu, ambao wengi hawauoni. Alionesha kwamba kila hatua imejawa na matokeo ya milele. Alitangaza kwamba mambo ya dunia hii yana umuhimu kidogo mno yakilinganishwa na mambo ya ulimwengu ujao (Manuscript 20, 1902).